

ՌՈՒԲԵՆ ԵՊԻՍԿՈՊՈՂ

ՀՅՅՐԵՆԵՍԻՐՈՒԹՅՈՒՆԸ ԽՐԻՄՑԱՆԻ ԵՐԿԵՐՈՒՄ¹⁾

«Հրաւիրակ Արարտան»-ի «Երրորդ նուագ»-ում Խրիմյանը իր մանուկներին ման է ածում պատմական Հայաստանի գլխավոր կենտրոններում, նրանց տանում է Արտաշատ, Վաղարշապատ, Անի, Գառնի, Բագրեվանդ, Մալկոտն, Շիրակ, Վանանդ և այլն։ Նկարագրելով վերոհիշյալ վայրերի երբեմնի ծաղկյալ ու բարգավաճ կյանքը, շքեղությունը, ժողովրդի հանգիստն ու ապրուստը, վշտացյալ Հայրիկը այրված և մորմորված սրտով բացականչում է։

«Այլ աւաղ, ոչ տեսանէք ըստ
առաջնոյն նորին ըզկերպ
Հոյակապ և փառաւոր կանգնեալ
հանդէպ լերին Մասեաց.
Թէ երբեմն իցէ լեալ այս
մայրաքաղաք Հայաստանեայց»։

Խոսքը հայոց երբեմնի մայրաքաղաքի, Վաղարշապատի մասին է։ Խրիմյանը սրտի դառն կակիծով է պատմում նրա ներկա անշրությունը, որը արդեն մի սովորական և այն էլ անշուրք գյուղ է և ոչ մի հետք չի մնացել, որ վկայի պատմական մայրաքաղաքի մասին։

Այնուհետև պատմելով Տրդատի հզոր թագավորության մասին, շեշտում է կույսերին նահատակելը, Գրիգոր Լուսավորչին հալածելը։

«Յորժամ վէս Վաղարշապատ գոճիր
ահեղ մտաքերեաց,
Տիրանենգ և դաւաճան գտաւ
յարբայն իւր Տրդատէս,
Ջաջն շիշոյց գերալոյս մահու ըզդեղ
մատոռուակեալ,

Յայնժամ և զիւր և այս օրինակ
պատեաց խաւար»։

Հաջորդ մասերում նկարագրում է արագին թշնամիների հարձակումը Հայաստանի վրա և գլխավորապես կանգ է առնում ներքին անմիաբանության վրա։ Ահա մի շարիք, որի դեմ իր անխնա պայքարն է մղում Խրիմյանը։

«Ոչ միայն արտաքին սուր թշնամեաց
և արհավիրք
եկին յայնժամ և այսպէս հասին
վերայ Հայոց երկրիս։
Այլև մարտք ի ներքուստ
գրգռուեցան ի նախարարսն,
Կատաղարար մոլեգնեալ տոհմ ընդ
տոհմի հարան ի մարտ,
եւ իսպառ շընչեալ վիրեարս թափուր
կացին ի սերընդոց»։

Հայոց Հայրիկը մեր պետականության քայլայման երկու պատճառ է ընդունում. առաջինը՝ արտաքին թշնամին է, օտարը՝ իր սրով և արհավիրքներով, երկրորդը՝ ներքին թշնամին է, հարազատը իր անմիաբանությամբ և երկպառակություններով։ Այն ահեղ, ներքին կոփվները, որ մղում էին նախարարական տները միմյանց դեմ կատաղի, մոլեգին կոփվներ էին, որի ընթացքում միմյանց բոլորովին բնաշնչում էին։

Հայրիկը հայրենիքի այս թշնամու՝ անմիաբանության դեմ ուժեղ պայքար է մղում, նրա սիրտն ու հոգին շեն հաշտվում այս կործանալրար ախտի հետ։ Ուստի միանգամայն հասկանալի է, թե ինչու այնքան

¹⁾ Սկիզբը «Էջմիածին»—մարտ—ապրիլ 1945 թ.

անինա է, անմիաբանների և մանավանդ դավաճանների հանդեպ: Նրա խոսքն աղջու է, նախատինքը՝ խալթիչ, կործանող և վառող նման շանթերի, որոնք տեղատարափ թափվում են ամեն կողմից: Այս պարագայում նրա սիրողը արյուն է շնչում, նրա թոքերը մազձ ու լեզի են թափում, նրա աշքերից ու հալացքից դուրս են ժայթքում խանձող կայծակները: Այսպես է Հայրիկը, նրա սրբազն զգացումները խառնվում են, տակն ու վրա լինում, երբ տեսնում է դավաճանություն հայրենիքին:

Երբ Հայրենիքը պատերազմի մեջ է թշնամու գեմ, պիտի լուն ներքին բոլոր տարածայնությունները, պիտի մոռացվեն երեկու արյունոտ վերքերը և մահացու խոսքերն ու բոլորը մի սիրտ, մի կամք, մի լեզու և մի բերան դարձած կանգնեն թշնամու գեմ և իրենց մահաբեր նիզակներն ուղղեն նրա կրծքին: Այսպես միայն կարելի է փրկել Հայրենիքը, այսպես միայն կարելի է տրորել և ոչնչացնել թշնամուն:

Այսպես է մոտենում խնդրին երիմյանը: Թերևս հարկ վիճներ այս խնդրի վրա այսրան ծանրանալ, եթե այն շեշտված վիճներ Հայրիկի մյուս աշխատություններում ևս: Նրա յուրաքանչյուր խոսքի, յուրաքանչյուր քարոզի հիմնական խնդրիներից մեկը սըրբազն միասնության խնդրին է: Կարելի է ասել, այն քայլում է երիմյանի հետ ամեն մի քայլափոխում:

Արդյոք նո՞ր խնդրի էր դնում երիմյանը, նո՞ր գաղափար էր քարոզում նա: Ոչ երբեք:

Այս խնդրը գալիս էր հնագույն գարերից, այն գալիս էր մեր և գարի գրեթե բոլոր մատենագիրներից, այն եկալ նաև հետագայում մինչև մեր օրերը:

Երիմյանը տեսնում է Հայաստանի հուշարձանները, որոնք կարող են ամոքել իր վերքերը, հույս ներշնչել նրան գեռես ապագայի վերաբերմամբ, և նա գրում է.

Աևագիկ առ ինքն ունի զանկողոպուտ շուրջն պարագայուն երկնանըման Կաթողիկէ Զվեհագույն երկնանըման Կաթողիկէ

եկեղեցին,

Ուր անխախտ եղին հիմունս ձեռք Տրդատայ և Գրիգորին Յափտեան անդըրդելի կալ իհողմոցն սաստկաշունչ:

Խոսքը, իհարկե, Ս. էջմիածնի մասին է, էջմիածնի, որ հավիտենականորեն անդրդվելի է սաստկաշունչ հողմերի ու փոխորիկների առաջ: Կարծեք թե երիմյանը մի փոքր շունչ է քաշում և ովկորվում: Հիրավի նա պիտի ոգեսրվեր, քանի որ աճափոր ամայության մեջ տեսնում էր հայ ժողովորի ստեղծագործական փառավոր կոթողներից մեկը, «երկնանմանն ու վեհագույնը», որի փառքը անկողոպտելի է:

Երիմյանն իր հայրենասեր, պանդուխտ մանուկների հետ Անիումն է:

Մանրամասն նկարագրելով Բագրատունյաց մայրաբաղարի փառքն ու շքեղությունները, Անիի հազար ու մի եկեղեցիները, արքայական տան կյանքը, երկրի առատությունը, վաճառաշահությունը, արքուտների զարգացումը և ժողովրդի հարուստ բարեկեցիկ կյանքը և նայելով նրա պերակներին, դառնապես լալիս է:

«Ջլալ հարկանիմ գառնապէս և դուք ընդ իս ի լաց շարժեալ թափիսցուք արտասուք ի նըշխարեալ յԱնի քաղաքն»:

Սակայն երիմյանի լեզուն չի պատվում, որ պատմի Անիի գլխով անցած աղետները, նա հրաժարվում է և խնդրում, որ Անին ինքը պատմի, նա այստեղ կարծեք թե հարություն է տալիս ավերակների մեջ թաղված քաղաքին և խոսեցնում: Այս արդեն աննկարագրելի սիրո արտահայտության ձևն է, որ հրապարակ է բերում երիմյանը:

Աևա մեզ, արդ, լալագին մեք լուռ կացեալ լուփցուք աստ,

Եւ լացցուք ըզեկո յաւէտ, զքեզ, որ այդշափ անշքացար»:

Երիմյանի հայրենասիրությունը թուլ չի տալիս ասելու կործանվեցար, այլ ասում է «անշքացար»: Ինչպես քիչ հետո կտեսնենք, նա Անին վերականգնելու հույսեր է փայփայում իր սրտում, նա խորհում է, որ ժամանակը հնարավորություն կտա Անին իր նախկին փառքին հասցնելու:

Երիմյանը խոսում է ինչպես մեծ մար-

գարե, նրա հոգին զգացել է, իսկ ինքը անխախտ հավատ ու համոզում է ունեցել, որ ժամանակը հայ ժողովրդի վերքերը պիտի բուժի, որ հայերը վաղ թե ուշ պիտի ունենան իրենց պետականությունը:

Եվ Անին զիշելով բանաստեղծի թախանձանքներին սկսում է պատմել իր կյանքը:

Պատմում է «արդավանդ և բարերեր» դաշտերի մասին, «լայնանիստ և մեծամեծ ապարանքներ»-ի, «արմարդիքիր, աշխարհամուտ դռներ»-ի, «բարձրադիտակ ընտիրնտիր աշտարակներով պարիսպների», «արքայաճեմ արքունիքներ»-ի, Բագրատումյաց թագավորներ Աշոտի, Սմբատի, Շահընշահի, նախարարների, ավագանու, իշխանների մասին, նրանց զորահանդեսների ու քաջության, «ոսկեսարյան թեթև-թեթև նժույգներ»-ի, «բազմախումբ զորականներ»-ի, «ահեղազոր, քաջամարտիկ նահատակվող սպաներ»-ի, նրանց գնդերի, դրոշակների և այլն մասին: Պատմում է ժողովրդի, այգեստանների, բուրաստանների, ցորենի, գինու, ոչխարների հոտերի և զյուղացու ստացած բրտնավաստակ բերքի մասին:

Զի և ընդէ՞ր մոռանամ ասել զանթիւ
գեղօրէից,
Որ զինեւ շուրջ մօտ ի մօտ ի ջրա-
մէտ վայրու շինյալ էին
Շինականք շահաւոր զարդք վայելուշ
դաշտանց իերանց,
Այս վաստակ արդինաբեր լընոյր
զամբարը Շիրակաւ քաղաքիս
Բաւ և առատ ի պէտս իմ քաղաքիս
բազմամարդիկ:

Այնուհետև Անին ողբում է իր անկումը և իր անպաշտապանությունը կրկին անգամ շեշտակելով անմիաբանությունը:

«Եւ Գագիկ հզօր առիւծն ի
գառագիղն ի Յունաստան
Մոնշէր վասն իմ ցաւօք, ա՞հ,
տիրադրուժքն արարին զայն»:

Թշնամիները մտնում են Անի, սկսվում է զարհուրելի կոտորածը: Սակայն հաղթողները չեն հագենում մոր գրկում աղջկան,

հոր գրկում տղային սպանելուց, Ախուրյանը դիակների կուտից իր ընթացքն է փոխում, իսկ գազանաբարը տիրողը երիտասարդ աղջիկներին ու տղայոց մորթել է աշխիս, նրանց արյունից կազմված լողարանում լողանում, որպեսզի հագուրդ տա իր վրեմինդրությանը:

Խրիմյանը Անիի բերանով նկարագրում է նաև հայկական ճարտարապետությունը Անիում և ընթերցողի ուշագրությունը հրավիրում է «գարմանակերտ» մայր կաթողիկէ եկեղեցու վրա, որ հիմնել է Բագրատունի Սմբատ թագավորը իր գահակալության առթիվ: Այս ճարտարապետության հիանալի կողողը Խրիմյանը համարում է «ճարտարապետության հրաշարուեստ», որը կառուցել է Տրդատ ճարտարապետը: Այնուհետև նկարագրում է եկեղեցական զարդերն ու սպասները, անոթները, խաչերն ու խաչվառները, կճյա սյուները և մարմարյա խորանները: Ինչ խոսք, որ հաղթողի այնօրինակ գազանաբարը վարմունքը, որ վերը նշեցինք, ազատասեր հայ ժողովրդը չեր կարող տանել: Եվ ահա սկսվում է գաղթը:

Խրիմյանը գաղթականությունը համարում է ոչ միայն ազգային, այլ և հասարակական խոշոր շարիք և նա ոչ մի կերպ չի հաշտվում մայր Հայրենիքը թողնելու և օտար հորիզոններ գաղթելու մտքի հետ: Ոչ միայն իր այս երկի մեջ, այլև իր բոլոր գրվածքներում, քարոզներում, սովորական զրույցներում նա շեշտում է գաղթի աղետաբեր հետևանքը և հուսադրում ժողովրդին կապվել հողի հետ, հողն ու Հայրենիքը լրացնել: Առանց ժողովրդի, ասում է Խրիմյանը, Հայրենիք լինել չի կարող, մանավանդ առանց հողի, երկրագործության հետ կապված ժողովրդի, այն է՝ առանց զյուղացիության:

Այս համոզումը Հայրիկի մեջ խիստ ամրացած է և նա ուժեղ պայքար է մղում գաղթի ու գաղթականության դեմ, նրա մտահոգության և գործունեության կենտրոնը նրա ամբողջ կյանքի ընթացքում կազմեց գաղթի դեմ պայքար կազմակերպելը և հոգատար վերաբերմունքը աշխատավոր ժողովրդին՝ գյուղացիության:

Հայրիկը բնորոշ գծերով նկարագրում է գաղթի կորստաբերությունը, այն հուսախաբությունը, որ հետագայում ապրում է իր տուն ու տեղը, իր օջախը լքող գաղթականը: Օտար միջավայրում նրա համար սկըսվում է բացվել տանջանքների ու տառապանքների մի անվերջանալի շղթա, որի լուրաբանը ուր օդակից կամ են ընկած անթիվ ու անհամար դառնություններ և այդ շղթայից չի աղատվելու ոչ միայն ինքը, այլև չեն աղատվելու իր որդիները, թոռներն ու ծոռները:

Խրիմյանը խիստ զգացված նկարագրում է գաղթվողի հոգեկան ապրումները, նրա հուշերը հայրենի տան ու տեղի մասին, հարազատ միջավայրի մասին, տալիս է նրա անկայուն և անորոշ կյանքի հիվանդակին պատկերը և զարհուրրանքով գլուխը շուռ է տալիս այդ սարսուցուցիչ տեսաբանը շտեսնելու համար, այդ սոսկալի և ահավոր ախ ու վախերը շահելու համար:

Ի վերջո նա այս անմիտիթար վիճակի ելքն է որոնում, նա ելքը գտնում է նրանում, որ Անին պիտի վերանորոգել, լցնել ժողովրդով և այն վերաշինել իր նախկին փառքով.

«Եցէ թէ գութ շարժիցի մանկուոյդ ի սիրտ դիւրագորով Մնացելոյս այս խնայել և նորոգել զիս վերստին.

Եւ ի ծոց այրույս կրկին ձեզ բնակիլ ուրախագուարձ, Վաշ, յայնժամ տառապեալս լինի ոգուով ուրախամիտ Ուստերովք և դստերովք բերկրեալ իբրու զմայր եօթնածին, Եւ փառօք ըստ առաջնոյն բարգաւաճեալ ամենայնիւ»:

Այդպիսի մի հսկա քաղաքի վերանորոգման հարցը Խրիմյանը դնում է որպես խորհրդանշան իր հայրենիքի աղատագըրման: Եվ նա մարգարեանում է.

«Չի ահա եկեալ հասեալ դար սկեղէն բարենշան, Որ ըգբեզ ըստ առաջնի նոր նորոգէ գարձեալ ի փառաւ:

Նա նկարագրում է անգամ վերանորոգման մանրամասնությունները:

«Եինեսցին քո աւերակք և կանգնեսցին վայելչապանծ, Ընդարձակ ըստ առաջնոյն յօրինեսցին և հրապարակքու, Յարգեոր և պատուական ծերք ի յաթոռս բազմեսցին անդ, Խուռներամ գնասցին մարդիկ և խաղացեն ի նմա մանկունք, Զարմասցին, որ զայս տեսցեն ըգնորոգումըն լըքելոյդ: Այդ փըլեալ եկեղեցիքդ կանգնին գարձեալ վայելչապոյն, Եւ խորանքդ խոնարհեալ վեր բարձրացցին կամարազարդ:

Հայրիկը հավատում է այդ վերածնունդին, հավատում է գալիք ոսկեդարին և փափագ է հայտնում կենդանի մնալ ու այն տեսնել.

«Երանի թէ այլոցիք լրումն բանի գալը հասանէր, Զայցելու ձեռն ի վերուատ յիս կարկառեալ տեսանէի, Որ ի գեղն առաջին զիս նորոգէր վայելչօրէն.

Վաշ, յայնժամ ըղձայն ողբոյս փոխարկէի յուրախութեան, Եւ խոցեալ զակն աղբեր աշացս այլ ոչ տայի բխել ջուր դառն»:

Մեր հասարակական, եկեղեցական գործիչներից Հայոց Հայրիկը և՝ ամենահերջանիկ մարզն էր, և՝ ամենից անբախտը:

Նա ամենաերջանիկն էր, որ արժանացավ Հայ ժողովրդի գուրգուրանքին ու սիրում և ստացավ իրեն միանդամայն համապատասխան կոշտմը՝ Հայոց Հայրիկ փառավոր անունը: Ս. Գրիգոր Լուսավորչի, Մեսրոպ Մաշտոցի, Սահակ կաթողիկոսի օրերից ի վեր անցել էր արգեն 14 երկար ու ձիգ գար և այդ հսկայական ժամանակաշրջանում, երբ Հայաստանի գլխին բազմաթիվ արյունաշունչ փոթորիկներ էին ժայթքել, երբ Հայ ժողովուրդը այնքան կարիք էր զգացել իր զավակների անձնվիրությանն ու զոհաբերությանը, նա, որպես մեր եկեղեցական դորժիչներից հազվագյուտ մեկը հանդիս բե-

րեց այնպիսի նվիրվածություն, սեր և եռանդ, գործ և պայքար, երկյուղածություն և հարգանք դեպի հայ ժողովուրդն ու հայ հայրենիքը և արժանացավ ժողովրդի կողմէց տրված Հայրիկ անվանը:

Նա միաժամանակ ամենաանբախտն էր նրանով, որ ականատես չեղավ իր փայփայած, վերածնված Անին Սովհետական Հայաստանի սրտում՝ երևանում, ականատես չեղավ հայ պետականության վերականգնմանը, շտեսավ վերածնված Հայաստանի ոսկեդարը:

«Հրաւիրակ Արարատեան»-ի «Երրորդ նուագ»-ում Խրիմյանը համառոտ, բայց չափանց ամփոփ կերպով տալիս է հայերի քրիստոնեություն ընդունելու պատմությունը, ուստի և իր մանուկներին բերում է Վաղարշապատ, Ս. Էջմիածին:

«Ի տաճարն աստուածակերտ ի
մայրն մեր ամենամեծին
ի վեհ և գերապանծ աթոռ Հայոց
լուսաւորչին»:

Պատմելով Տրդատի, Լուսավորչի, Հոփիսիմյանց կույսերի գործունեությունը և կանգ առնելով գլխավոր խնդիրների վրա, առանձնապես շեշտում է եկեղեցու կատարած կրթական դաստիարակչական դերը: Հուզիչ կերպով տալիս է Մասիս և Սեպուշեռների նկարագրությունը, դափնիներ փըռում Եփրատին և Դարանաղաց գավառին, ակնածանքով հիշում Փլուզ Հովհաննին, ապա կրկին վերադառնում Արարատյան երկիրը և յուր մանուկներին տանում Օշական:

«Ո՞ւր տարայց, ոչ գիտեմ, առեալ
զձեղ այժմիկ աստուած,
ի Թորդա՞ն թէ յօշական գիւղն առ
շիրիմ երանելոյն»:

Մեսրոպայ, լուսաւորչին խաւար
մտաց Հայկեան մանկաւոյդ»:

Ինչպիս հայտնի է, Թորդան անվանում էր ամփոփված Գր. Լուսավորչ մարմինը, իսկ Օշականում Մեսրոպ Մաշտոցինը: Եվ ահա Խրիմյանը տարակուսում է՝ ո՞ւր տանել իր մանուկներին՝ Թորդա՞ն, թէ Օշական, նախապատվությունը ո՞րին տալ լուսավորչի՞ն, թէ Մաշտոցին: Եվ նա նախապատվությունը տալիս է Մաշտոցին:

Հասկանալի է, որ առանց տառերի գյուղի, հետեապես և առանց գրականության, քրիստոնեությունը չէր կարող արմատանալ և տարածվել հեթանոս հայերի մեջ: Լուսավորիչը պարտական մնաց Մեսրոպ Մաշտոցին: Ահա թե ինչո՞ւ Խրիմյանը առավելությունը տալիս է հայ եկեղեցու համեստ վարդապետին՝ Մեսրոպին:

Եվ ինչո՞ւ միայն այսքանը: Արդյոք հայ ժողովուրդը կկարողանա՞ր պատմական ահեղ փոթորիկներից գուրս գալ և իր գոյությունը պահպանել, եթե Ալիսերն մհարոպյան նշանագրերը:

Խրիմյանը համեմատում էր հայ եկեղեցու երկու խոշորագույն գործիչներին, մտածողներին և հանում էր արդարացի վճիռը:

Հայոց Հայրիկը կլանված, հափշտակված է Մեսրոպվ և Սահակ կաթողիկոսով, նըրանց մեծ և հավերժական գործունեությամբ: Նա ամբողջ հոգով ներբողում է հինգերորդ գարը և այս գարի մատենագրությունը և այն սերունդը, որ հաջորդեց նըրանց:

«Նոր յայնժամ քերթողդ Մովսէս և
Ղազարիկը ճարտասան,

Եղնիկ, Յովհան, Կորիւն, Մամբրէ,

Դաւիթ անյաղի իշելենաց,
Երևեսցին յԱլրարատ և ոսկեգիր

իցեն մատեանք:

Հապա դու ցընծասչիր յերկինս ոգուլ
այս աւետիս,

Եւ ոսկերքդ ի ծոց հոգուս թող շունչ
առցեն կենդանութեան»:

Մաշտոցի դպրոցը հրաշալի արդյունք է տվել, նրա ջանքերը պսակվել են անթառամաղիկներով, նրա մեծ գործը շարունակողներ և զարգացնողներ կան: Դրանք Մեսրոպի ձեռքի տակ խնամված և դաստիարակված աշակերտներ են, որոնք Հունաստանում բարձրագույն կրթություն ստանալուց հետո վերադարձել են Հայաստան և շարունակել իրենց մեծ ուսուցչի գործը: Խրիմյանը ողջունում է այդ երևույթը և ալեստում Մեսրոպին՝ թող ոսկորներդ հոգի տակ կենդանության շունչ առնեն: Այստեղ, անշուշտ, ակնարկը Մաշտոցի հափշտական կենդանության, նրա անմահության մասին է: Եվ

մի՞թե հավերժորեն կենդանի չէ այդ մեծ
մարդը հայ զավակների սրտում:

Խրիմյանը շարունակում է.

«Մի՛ լսեր, մի՛ լսեր զՄովսիսիդ

ձայն դառնաբողոք,

Որ գուցէ եկեալ և այդոր գնոյն կրկնէ,
բեզ ի մօտուատ:

Յանտրտում յայդ վայր երկնից քեզ
տրտմութեան լինել առիթ»:

Խոսքը Մովսէս Խորենացու ողբի մա-
սին է...

Հայրիկը չի ցանկանում, որ Մեսրոպը
լսի այդ ողբը, չէ՝ որ այդ նրա համար սոս-
կալի տրտմություն կստեղծի, չէ՝ որ այդ
երգիտի նրա հոգին, քանի որ «բարձաւ թա-
գաւոր և քահանայ, խորհրդական և ուսու-
ցող, արմատացաւ անկարգութիւն, դրզու-
ցաւ ուղղափառութիւն, կայկայեցաւ տղի-
տութեամբ շարափառութիւն»:

Սակայն

«Հայր, այդ խոնարհ քո Մովսէս վեր
բարձրացաւ քան զՄասիս».

Եւ

«Առաքեա, դու, այժմ յերկնից,
ընդառաջեմք ի յողուներ»:

Ինչպես տեսանք, Խրիմյանը ցանկանում
էր, որ այդ ողբը գրված լիներ, այսինքն
կյանքը նսեմացած լիներ, սակայն այն ի-

րականություն է, քանի որ Խորենացին չէր
կարող անարգանքի սյունին շգամել իր ժա-
մանակի հասարակական ախտերը՝ կաշա-
ռուկերությունը, ագահությունը, վարք ու
բարքի անկումը: Քերթողահայրը կատարել
է իր սրբազն պարտը ժողովրդի և հայ-
րենիքի հանդեավ վեր հանելով տիրող անի-
րավությունը, ճշմարիտ և ուղիղ կյանքի կո-
չելով շեղվածներին. ուրեմն և նա մեծ,
հանձարեղ մարդ է, Մասիսից ավելի բարձր
է և նրան պետք է ողջունել:

Եվ Խորենացու ողբում նկարագրվող բար-
երի ապականման տեսակետից մոտենալ-
ով դաստիարակչական խնդիրներին, Խրի-
մյանը մատնանշում է.

«Մի՛ լիցի ձեզ միայնոյ լոկ
գիտութեան լինել սիրող
Զգործոց առաքինի և զանարատ
վարուց անփոյթ».

Ոչ կարէ յերկրէ թոշուն վերաթեել
միով թեով,
Սապէս ոչ և գիտութիւն առանց
թեոյն ընտիր վարուց»:

Խրիմյանն այստեղ առաջ է քաշում հայ-
րենասեր մանուկների դաստիարակության
խնդիրը: Երեք քան է պահանջում նոր սե-
րունդից՝ անարատ վարք ու բարք, գիտու-
թյուն և առաքինի գործեր:

